

**10. PRAVO NA NOVČANE POMOĆI ZA VRIJEME  
11. TRUDNOĆE I POROĐAJA ŽENI-MAJCI KOJA  
12. NIJE U RADNOM ODNOSU**

Za vrijeme trudnoće i porođaja žena-majka koja nije u radnom odnosu može ostvariti pravo na novčane pomoći pod uslovima da ima prijavljeno prebivalište, odnosno boravište na području Ze-Do kantona, i da mjesečni prihodi domaćinstva, ostvareni u periodu od šest mjeseci koja prethode mjesecu u kome je podnesen zahtjev za ostvarivanje prava, ne prelazi iznos 50% od prosječne neto plaće Kantona ostvarene u godini koja prethodi podnošenju zahtjeva.

Prihodi porodice se dokazuje po osnovu:

- a) plaća i drugih primanja iz radnog odnosa;
- b) starosne, invalidske i porodične penzije;
- c) poljoprivredne djelatnosti (katastarski prihod)
- d) primanja po propisima o boračko-invalidskoj zaštiti i zaštiti civilnih žrtava rata;
- e) prihoda ostvarenih po osnovu imovinskog prava;
- f) prihoda ostvarenih po osnovu privredne, uslužne i druge djelatnosti;
- g) dopunskog rada;
- h) i drugih primanja.

U smislu nevedenog prihodom se ne smatraju: novčane naknade po osnovu prava lica sa invaliditetom, stipendije, krediti učenika i studenata, alimentacije i jednokratne pomoći.

Pod istim uslovima žena-majka koja nije u radnom odnosu može ostvariti tri prava po svakom novorođenčetu, i to:

- a) **jednokratnu novčanu pomoć za vrijeme trudnoće i porođaja;**
- b) **jednokratnu pomoć za opremu novorođenog djeteta,**
- c) **pomoć u prehrani djeteta do 6 mjeseci i dodatna ishrana za majke-dojilje.**

Novčana pomoć za vrijeme trudnoće i porođaja žene-majke koja nije u radnom odnosu ostvaruje se u vidu jednokratne novčane pomoći u iznosu 150 KM.

Jednokratna pomoć za opremu novorođenog djeteta porodilja ostvaruje se u iznosu od 15% od prosječne plaće Kantona.

Pomoć u prehrani djeteta do 6 mjeseci i dodatnu ishranu za majke dojilje ostvaruje se, u trajanju od 6 mjeseci, u iznosu pomoći od 10% od prosječne plaće Kantona

**Zahtjev** za ostvarivanje prava se podnosi putem centra za socijalni rad ili putem službe socijalne zaštite Doboj-Jug ili Usora. U drugostepenom postupku žalbe rješava Ministarstvo za rad, socijalnu politiku i izbjeglice Ze-Do kantona.

**Potrebna dokumentacija za razmatranje i odlučivanje po zahtjevu za ostvarivanje prava na novčanu pomoć za vrijeme trudnoće, i porođaja ženi-majci koja nije u radnom odnosu**

R/b	Potrebni dokumenti	Dokument izdaje
1.	Lična karta na uvid na osnovu koje se u Centru za socijalni rad/ Općinskoj službi sačinjava službena zabilješka	MUP Zeničko-dobojskog kantona
2.	Prijava prebivališta-boravišta	MUP Zeničko-dobojskog kantona
3.	Izjava o zajedničkom domaćinstvu	Nadležna općina/grad-šalter sala
4.	Izvod iz matične knjige rođenih za dijete-djecu	Nadležna općina/grad-matični ured
5.	<b>Dokazi o prihodima punoljetnih članova zajedničkog domaćinstva ostvareni u periodu od šest mjeseci prije dana podnošenja zahtjeva</b>	
5.1.	platna lista za period od 6 mjeseci prije poroda, uvjerenje ili drugi dokaz o nezaposlenosti	Poslodavac/Biro za zapošljavanje
5.2.	potvrda o statusu, sa podacima o tekućem osiguranju, radnom odnosu, svi fondovi za osobu koja nije na evidenciji Biroa za zapošljavanje	Zavod zdravstvenog osiguranja
5.3.	ček od posljednje penzije-starosne, invalidske ili porodične	FZ PIO/MIO
5.4.	uvjerenje o katastarskom prihodu	Ured za katastarske poslove
5.5.	uvjerenje o primanju po propisima u boračko-invalidskoj zaštiti	Gradska/općinska služba za boračko-invalidsku zaštitu
5.6.	uvjerenje o primanju iz oblasti civilnih žrtava rata	Gradska/općinska služba ili Centar za socijalni rad
5.7.	uvjerenje o prihodu obveznika, obavljanju dopunskog rada, uslužne ili druge djelatnosti	Poreska uprava
6.	Tekući račun	Banka

**Napomena:**

- Dokument pod rednim brojem 2,3,4,5,5.1,5.2,5.3,5.4,5.5,5.6 5.7 ne stariji od 6 mjeseci
- Dokument po rednim brojem 6 se može dostaviti u kopiji